

GILL MORICE

1568 / 1016

To which is added,

(8)

THE CRABIT CARLINE



Stirling, Printed by C. Randall.

1568/1016. (8.)



GILL MORICE.

Tune—Anna's Urn

GILL MORICE was an Earl's Son, his name it
waxed wide,

It was not for his riches great, nor yet his meikle
pride.

His face was fair, lang was his hair, in the wild wood
he staid ;

But his fame was by a fair lady, that liv'd on Carron-
side,

Where will I get a Bonny boy that will win hose and
shoon,

That will gae to Lord Barnard's ha', and bid his Lady
come ?

Ye maun rin this errand Willie, and ye maun rin wi'
pride,

When other boys gaung on their feet, on horse-back
ye shall ride:

O no ! O no ! my Master dear : I darna for my life :
I'll ne gae to the bold Barons, for to tryt forth his
Wife.

My baird Willie, my boy Willie, my dear Willie, he
said,

How can ye strive against the stream, for I shall be
obey'd.

Eut, Oh my Master dear ! he cry'd, in Green-wood
ye're your lane,



Gi'e o'er sic thoughts I wou'd you red, for fear you
shou'd be ta'en.

Haste, haste, I say, gae to the ha', bid her come here
wi' speed.

If ye refuse my high command I'll gar your body bleed

Gae bid her tak this gay mantle, 'tis a' gowd but the
hem ;

Bid her come to the good Green-wood and bring nane
but her lane.

And there it is, a silken sark, her ain hand sew'd the
sleeve,

And bid her come to Gill Morice, spear nae bauld Ba-
ron's leave.

Yes, I will gae your black errand, though it be to my
cost,

in ye by me will not be warn'd, in it ye shall find froe
The Baron he's a man of might, he ne'er could bide to
taunt ;

As ye shall find before it's night, how sma' ye ha'e to
vaunt.

Now, sin I maun this errand rin, sae fair against my will
I'll mak a vow and keep it true, it shall be done for ill.
And when he came to broken brigs, he bent his bow
and swam :

And when he came to grass growing set down his
feet and ran.

And when he came to Barnard's ha', would neither
chap nor ca' ;

But set his bent bow to his breast, and lightly lap the
wa'.

He wou'd tell nae man his errand, though twa stood
at the gate ;

But straight into the ha' he came, whair great fouk
sat at meat.

Hail ! hail ! my gentle Sire and Dame ! my message
winna wait :

Dame, ye maun to the Green-wood gang before that it
be late.

Ye're bidden tak this gay mantle, it's a' gowd but the
hem ;

Ye maun gae to the green-wood, a'en by yoursell
alane.

And there it is, a silken-sark, your ain hand sew'd the
sleeve :

Ye maun gae speak with Gill Morice, speer nae
bauld Baron's leave,

The Lady stamped with her foot, and winked with
her eve ;

But a' that she cou'd say or do, forbidden he wadna be

It's surely to my bow'r-woman. It neer can be to me.
I brought it to Lord Barnard's Lady I true that you
be she.

Then up and spoke the wylie Nurse, (the bairn upon
her knee)

If it be come from Gill Morice, 'tis dear welcome to
me.

Ye lied, ye lied, ye filthy Nurse, sae loud's I hear you
lie :

I brought it to Lord Barnard's Lady, I true ye be nae
she.

Then up and spake the bauld Baron, an angry man
was he ?

He's ta'en the table with his foot in flinders gart a' flee

Gae bring a rope of yon cleading, that hangs up on he
pin

And I'll gae to the good green-wood, and speak with
your Leman.

Now bide at hame, now Lord Bernard, I warn you
bide at hame ;

Ne'er wyte a man for violence, that ne'er wyte you wi
nane.

Gill Morice sits in good green-wood, he whiffd and
he sang ;

O what means a' yon folks coming ? my mother she
tarries lang-

And when he came to good green-wood wi meikle dole
and care,

It's there he saw brave Gill Morice, kaiming his yel-
low hair.

Nae wonder, nae wonder, Gill Morice, my lady loo'd
thee weel,

The fairest part of my body is blacker than thy heel:

Yet ne'ertheless now Gill Morice, for a' your great
beauty,

Ye's rue the day that ye were born, that head shall
gae wi' me.

Now he has drawn his trusty brand, and slate it on the
srae,

And through Gill Morice fair body, he's gard cauld
iron gae.

And he has ta'en Gill Morice head, and set it on a
spear,

The meanest man in a' his train, has got his head to
bear,

And he has ta'en Gill Morice up, and laid him acrofs
his feed,
And brought him to his painted bow'r, and laid him
on a bed.
The Lady sat down on the wa', beheld baith dale and
down,
And there she saw Gill Morice head, come trailing to
the town.

Far mair I loe that bloody head, but an that bloody
hair,
Than Lord Barnard, and a' his lands, as they lie here
and there.
And she has ta'en her Gill Morice, and kiss'd baith
mouth and chin
I once was fu' o' Gill Morice as hip is o' the stane.

I got thee in my father's house, wi' muckle fia and
shame,
And brought thee up in good green-wood under the
heavy rain.
Oft have I by thy cradle sat, and fondly for thee sleep
But now I'll gang about thy grave, the sa't tears for
to weep

And first she kiss'd his bloody cheek, and syne his
bloody chin,
Better I loe my Gill Morice than a' my kith and kin
Awa', awa', ye ill woman! an ill death may thou
die,
Gin I had kend he'd been your Son, he'd neer been
slain for me

Upbraid me not my Lord Barnard, upbraid me not
for shame,
Wi' that same spear, O! pierce my heart! and put
me out of pain.

Since nothing but Gill Morice head, thy jealous rage
could quell;
Let that same hand now take her life, that ne'er to
thee did ill,

To me no after days nor nights, shall e'er be fast or
kind,
I'll fill the air with heavy sighs, and greet till I be
blind.

Enough of blood by me's been spilt, seek not your
death frae me;

I rather it had been mysell, than either him or thee.

With waeft' wae I hear your plaint, sae sair I rue the
deed.

That e'er this cursed hand of mine, did gar his body
bleed,

Dry up your tears my winsome Dame, you ne'er can
heal the wound;

You see his head upon my spear, his heart's blood on
the ground.

I curse the hand that did the deed; the heart that
thought the ill;

The feet that bore me with such speed, the comely
youth to kill.

I'll ay lament for Gill Morice, as gin he were my ain

I'll ne'er forget the dreary day, on which the youth
was slain.

THE CRABIT CARLINE

I darena gang again to see
My bonny blythesome lassie, O

Her angry mother scolded me,
And ca'd me poor and saucy, O.

The lovely creature grat wi' spite,
Her looks confess'd she lov'd me, O.
The angry auld wife sair did flyte,
And rashly disapprov'd me, O.

Ae night as on the green we stray'd,
Sae innocent and sweetly, O.
The blinking hag, our sports betray'd,
And beat my love completely, O.

If by the door I pass by chance,
She darena trow she sees me, O.
A curse, a frown, a scornfu' glance,
The wither'd carline gies me O;

O, wad the Heavens be sae kind;
As lift her frae the warld, O,
Nae mortal's blifs could equal mine
I'd be the happiest carl, O.

But I'll content myself with hepe,
And expectations canty, O.
And when she's laic beneath the turf,
I'll kiss her bairn sic dainty, O.

FINIS.



